

Den Ernvesten/ Grokacht-

baren/ Hoch- vnd Wolgelarten / Hoch- vnd Wol-
weisen Herren Bürgemeistern/ Syndic: vnd Rath/ der Löß-
lichen Stadt Kostock: Meinē Großgönstigen lieben Herren/
vnd mechtigen Beforderern.

Ernveste/ Grokachtbare/ Hoch- vnd Wolgelarte/ Hoch-
v. Wolweise/ Großgönstige liebe Herren/ dz die danckbarkeit nicht al-
lein eine besondere vortreffliche Tugend/ sondn auch billich eine Mutter aller
Tugendē zu achten/ scheinēt aussē allē zweiffel zu sein. Den wer beflēssi-
get sich der Gottseligkeit/ Heiligkeit/ Gerechtigkeit/ auffrichtigē wandels/
vnd vnstrefflichem Lebens anders/ als der da betrachtet/ daß er schuldig sey/
dem vnsterblichem gerechten Gotte/ allen danck/ vnd Ehre/ mit gebürlichem
gehorsam zu erzeigē? Was ist die liebe/ jegē Eltern/ Praeceptores, Obrig-
keit/ vnd jegen den Nęgsten/ anders/ als ein danckbarer wille/ jegen die/ von
welchen man nęgst Gott/ das Leben/ guten Namen/ Geschicklichkeit/ v. alles
gutes hat? Wer ist anders ein from/ getrewer Bürger/ der sich in Fehde/ in
Friede/ aussē/ vnd innerhalb der Stadt/ vmb das gemeine Stadtebeste
wol verdienet/ als der da der wolthat des Vaterlandes mit danckbarem
Gemüte sich erinnert? Was könnte dieses zeitliche Müheselige Leben/
welches nichts anders/ als eine Brunquelle/ vnd stets fließender Bach/ mit
Bermuth- Safft/ Essig/ vnd Gallen vermischet/ wiederumb versüssen/
vnd vorgüten/ wan keine wahre/ vertrauliche/ vnd von Herzen herrüh-
rende Freundschaft sein solte? Wo kan aber eine solche Freundschaft
sein/ vnd gefunden werden/ vnter Menschen/ bey welchen alle Süncklein
eines danckbaren Gemütes verloschen: Hinjegen aber die vndanckbarkeit/
als eine Wurzel aller Vntugendten die vberhandt behalten? Also daß
billich die Danckbarkeit vor eine Mutter der Tugenden zu achten: Vnd
demnach zu wünschen; gleich wie man gern wolte mit allen Tugenden vō
Gott begabt zu sein; Also vornemlich mit der Tugend der Danckbarkeit
vor Gott vnd Menschen zu leuchten vnd zu scheinen: Vnd alles Arg-
wohnes der Vndanckbarkeit benommen vnd entfreyet zu sein. Wie dann
auch weise Heyden heylsamlich rathen/ nicht allein danckbar zu sein/ son-

